



職方典第一千二百三十九卷

寶慶府部藝文三

詩

邵陵行

唐張謂

嘗聞虞帝苦憂人祇爲蒼生不爲身已道一朝辭北闕何須五月更南巡昔時文武皆銷鑠今日精靈長寂寞斑竹年來笋自生白蘋春盡花空落遙望零陵見舊丘蒼梧雲起至今愁唯餘帝子千行淚添作瀟湘萬里流

送程六往武岡

王昌齡

冬夜傷離在五谿青魚雪落鱸橙盞武岡前路看斜月片片舟中雲向西

送柴侍御往武岡

前人

流水通波接武岡送君不覺有離傷青山一道同雲雨明月何曾是兩鄉

雲山清曉

前人

蒼深翠淺濕崢嶸豈謂譏秦始愛山一炬咸陽機冢赤紫霄巍立曉雲間

法相洞天

前人

擘絮飛英一塢雲
雲根盡濕老苔文
此中瀕洞原無物
風鐸何曾感衆聞

武陵春色

前人

紅綻天桃綴小春
清深甘井艷浮新
東風闌盡嬌花面
不見漁人更問津

渠澹晴風

前人

盈盈曉氣濕林函
谷轉谿回窅蔚藍
欲向渠流尋渡口
靈幢島島拂晴風

古山瀑布

前人

驚崖噴壑落淵淵
水洗星文淡遠天
容與浮雲閒夜月
山川影裏見張騫

濟川廻舟

前人

脈脈溶溶夜色寒
伊人停楫月魂安
素波泛後無消息
廻薄淒清萬頃瀾

龍潭夜雨

前人

寒聲殊足渥桑田
耐可中宵小洞天
縱使巖霖無用處
老龍未肯偃鱗眠

楓門落照

前人

何年羽化老楓魂
林立斜陽似擁門
引接啼霜宿水客
五溪三峽聽號猿

宣風雪霽

前人

危樓振立朔風橫
四面寒光冷雉城
升旭欲移丹闕影
玉山未到翠先迎

橫江晚渡

前人

後來前往共江狂
逼晚寒煙絮絮長
只有醉鄉茅店客
招招望子爲誰忙

奉送七十舅下邵州

杜甫

絕域三冬暮浮生一病身
感深辭舅氏別後見何人
縹緲蒼梧帝推遷孟母鄰
昏昏阻雲水側望若

傷人

賊退示官吏

并序

元結

癸卯歲西原賊入道州焚掠幾盡而去
明年賊又攻永破邵不犯此州豈力能制敵哉
蓋蒙其傷憐而已
諸使何爲苦於徵斂故作詩以示官吏

昔歲逢太平山林二十年泉原在庭口洞壑當門前并稅有常期日晏猶得眠忽然遭世變數歲親戎旆今歲典斯郡山縣又紛然城小賊不居人貧傷可憐是以陷鄰境此州特見全使臣將王命豈不如賊焉今被徵斂者迫之如火煎誰能續人命以作時世賢思欲委符節引竿自刺船將家就魚麥歸老江湖邊

文斤山

潘滔

飛丹固濟冰雪溶道成羽化神僊宮幾來白鶴歸舊峯城郭是兮人不同霓裳縹緲隨天風紫煙散盡祠堂空山寂寞兮花木隆石床宮在留仙蹤微颺騷屑搖篠叢邑人祈禱清廟中神工應化無不通天旱暵兮從雲龍洒膏雨兮九穀豐黎庶歌兮樂時雍願立碑兮表聖功勒文字于堅石與天地兮無窮

邵州陪王使君宴

楊巨源

西塞無塵多玉筵貔貅鸞鸞儼相連紅茵照水開樽俎翠幕當雲發管弦歌罷曉臨園扇靜舞容春映薄衫妍魯儒縱使他時有不似懽娛及少年

邵州送林使君

張籍

詞客南來寵命新，瀟湘郡入曲江津。山幽自是深微處，俗樸應無爭競人。郭外相連排殿閣，市中多半用金銀。知君不作家私計，還日到日貧。

前題

朱慶餘

軒車此去也逢時，地接湖南半入詩。一月計程誰是遠，中年出守未爲遲。水邊花氣薰衣服，嶺上風光濕畫旗。想得化工風土變，州人應爲立生祠。

送人赴邵州

姚合

詔書飛下五雲間，才子分符不等閒。驛路算程多是水，州圖管地少於山。江頭斑竹應尋遍，洞口丹砂自採還。清淨化人人自理，終朝無事更相關。

送中兄典邵陽

韓翃

官騎連西向楚雲，朱軒出餞畫紛紛。百城兼領安南國，雙筆遙揮江右君。一路諸侯爭館穀，洪池高會荆臺曲。玉顏送酒銅鞮歌，金管留人石頭宿。北鴈初回江燕飛，南湖春煖著春衣。湘君祠對空山。

掩漁父亭低日暮歸百事無留到官後重陰寂寂垂高柳零陵過贈石香溪洞口人來飲醇酒登樓暮結邵陽情萬里滄波煙靄生他日新詩應遠報還如謝朓在宣城

長安春會敘邵陵舊宴有懷永門蕭使君

三首

曹唐

木魚金鑰鎖重城夜上紅樓縱酒情竹箭水繁更漏促桐花風軟管絃清百分散打銀船溢十指寬催玉筯輕星斗漸移賓客散碧雲猶戀艷歌聲三年身逐楚諸侯賓榻容居最上頭飽聽笙歌陪夜飲熟尋雲水縱閒遊朱門鎖閉烟霞暮鈴閣清冷草木秋月滿前山圓不動更邀詩客上高樓粉雉丹軒畫障西水雲紅樹窄璇題鷓鴣欲絕歌聲定鸚鵡初驚舞袖齊坐對玉山誰句線細聽金石怕低迷東風夜月三年飲不省歸時不似泥

爲邵州倅賈宗爽磨鏡題壁

呂岳

袖裏青蛇凌白日洞中仙果艷長春可知物外煙霞客不是街頭磨鏡人

自嶺下泛鷁到青遠峽

胡曾

乘船浮鷁下韶水絕境方知在嶺南蘿薛雨餘山似黛蒹葭煙盡鳥如藍巨游蕭帝新松寺夜宿婦

娥舊桂潭不爲篋中書未報便來此地結茅菴

梅山二首

宋章惇

開梅山開梅山萬仞摩星纏捫蘿鳥道十步九曲折時有偃木橫崖巔負崖直下視南岳回首蜀曲
猶平川人家迤邐見板屋火耕礪确多畝田穿堂之鼓當壁穿兩頭擊鼓歌聲傳白巾裹髻衣錯結
野花山果青垂肩如今丁口漸繁息世界雖異如桃源熙寧天子聖慮遠命將傳檄令開邊給牛貸
種使開墾植桑種稻輸絹錢人人歡呼願歸順裹頭漢語淳風旋不持寸刃得地一千里王道蕩蕩
堯爲天漢王黷武竟何益性命百萬塗戈鋌李廣自殺馬援死寂寞銅柱并燕然伊溪之源最沃壤
擇地作邑民爭先大開庠序明禮樂撫柔新俗威無專小臣作詩諧樂府梅山之巖詩可鐫此詩可
勒不可泯頌聲萬古長潺湲 出梅山乘籃輿荒榛已舒崖已鉏來時絕壁今坦途來時椎髻今黔
烏扶老抱嬰遮路衢爲謝開禁爭謹呼田既使我耕酒亦使我酤更旣不我擾曾孫豈願長逃遁開
山徑誰爲初臣煜入奏陳地圖臣惇專持使命車臣夙竭力有餘班班幕府授簡書不借君王丈
三戈曾孫五萬爭貢輸如神之速上之化刻銘永在梅山隅

石槽山

前人

瘴靄潛消瑞氣和，梅峯千里潤烟蘿。人逢雙嶽雖云速，路上好山寧厭多。

古山寺

彭汝礪

淡日沙村晚，霜晴溪路遙。野人瞻虎節，田父看星輶。使指勤咨問，君恩費養調。畏途諳跋涉，遺策問芻蕘。臘近雲長暝，春遲雪未消。遠空低幕幔，疊嶂露瓊瑤。板屋誰家舍，茅簷何處橋。梅香浮遠水，藤古上重霄。細草眠黃犢，巔崖落皂雕。兒童晴出牧，婦女晚歸樵。歌舞隨鄉地，耕桑托聖朝。今當蒙潤澤，久已靖氛妖。僧至不千里，寺名非一朝。小亭浮草莽，高閣出嵒嶢。泉細能沾潤，峯危欲動搖。會觀禪味足，還見講花飄。茶汎波無蹟，香深篆未銷。遠遊貪物象，久客厭塵囂。子美詩千首，淵明醉一瓢。倘來淹白晝，輕去恨連宵。野色隨行李，灘聲逐畫橈。鳥歸鳬漠漠，旌返雨瀟瀟。澹月生昭曠，青燈照寂寥。歲時惟箭激，江海祇萍飄。洪水連廬阜，蒲山近斗杓。且從周夢去，莫遣楚聲招。

雲山清曉

陳與義

峯律奇峯高，疊橫山花開。後暝風輕楚，天曙色平分。處一帶烟光畫不成。

宣峯雪霽

前人

樓迴雲隨畫戟飛捲簾又映雪晴時千林凍解陰霾掃放出青山分外奇

法相洞天

前人

石竇虛明路暗穿塵襟過此覺翛然洞門正在雲深處誰想人間別有天

武陵春色

前人

當日仙源路已迷武攸何事又名題料應洞口春常在流出桃花過此溪

渠渡晴嵐

前人

勝地偏然景物饒溪流清澈轉山腰嵐光旦夕藏鐘鼓彷彿靈祠對小橋

龍潭夜月

前人

徹夜淋淋聽雨聲寒潭頓覺碧波深蟄龍應想蘇民望少試神功爲作霖

古山瀑布

前人

層層石壁跂雲端好景偏於靜處安一派飛泉如石練半空瀉出碧光寒

楓門落照

前人

丹楓如染帶煙光
幻出人間錦繡鄉
一段青山看不盡
野鴉數點送斜陽

橫江晚渡

前人

江澄浪靜湧寒沙
寂寞臨流八九家
斷岸夕陽人渡少
小舟輕棹入蘆花

濟川廻舟

前人

江橫虹跨水中天
一簇人家隔市廛
何處偏舟歸棹晚
半帆風穩過前川

過孔雀灘贈周靜之

前人

海內無堅土
天涯有近親
不辭共笑語
未慣習殷勤
舟楫偏宜客
溪山各放春
高枕過灘浪
已寄百年身

邵州道中雲巖寺

李綱

山空寺小依嵌竇
日煖幽禽轉好聲
萬箇琅玕一茅屋
何當此處寄浮生

天明崖

張綬

崖口呀然何日開小橋飛入勢潏洄幽深自可逃煩暑況有寒泉石下來

前題

何錫祖

石室何時霹靂開曾聽繡斧凱歌回詎知二百餘年後復有旌旗笳鼓來

寶方洞天

鄭汝諧

山中八洞列天巧於茲覩誰道寶方小亦是洞天數

桃花崖

周裕

石竇中開水遶流清如明鏡冷如秋人憂天外炎光赫我愛庭前爽氣浮

風井

周思

竇中風穴不一處斯井乳花能伏流暗接膏源常祕惜不離陌路自清幽土囊空艷高人賦水晶難逢處士收宴坐巖頭默斟取清涼此意與誰謀

嘯巖

前人

萬壑藏雲造化寬僊源路在小江千鶯啼翠柳三春暖松引清風六月寒飛鳥忽驚天柱遠蟄龍猶

向石潭蟠宦遊頻說茲巖好林下何曾得共歡

至邵州示胡強仲之粵

釋洪覺範

平生厭飫水雲間老景優游剩得閒
遠謫瘴鄉君莫歎天教更看海南山

邵陵道中

前人

百折清江接暮林墮江殘月水浮金
松間風起自成曲清坐不須重整琴

自武岡趨東安道中

前人

枕孤衾冷月空斜臥看青燈自委花
遙想醉翁多夢語酒醒能道客思家

雙清夜月

元元顏思中

古廟英靈在神光射九州亂山排萬疊
一石砥中流野水雲邊寺夕陽霞外樓
倚欄時一笑不見故人舟

青龍橋

鞠志元

百丈青龍跨碧湍鐵犀光照曲欄干
馬蹄踏月千山曉人影凌波六月寒
城古不知遼鶴遠潭深惟

有老龍蟠歸期若問巴陵道驛路梅花帶雪看

寶安寺

明劉三吾

出郭二三里禪林號寶安
兵戈屢經歷殿閣盡凋殘
砌蘚參差綠楓林遠近丹
重遊定何日詩思後人看

至武岡

陳秀民

家居猶旅食兒子復南征
婁縣千江隔都梁百日行
鴈書天外達馬角夢中生
食祿非吾願何時復舊耕

送張司勳寶慶同知

高啟

乍出司勳幕還乘別駕車
按圖猶漢地輸布盡蠻家
山熱蛇懸樹江晴鶴浴沙
郡樓回首處北斗近京華

雙清亭

曾瓚

亭枕蒼崖瞰雨流四時風景勝瀛洲
紅塵不向雲中住皓月常從鏡裏浮
清氣漫流天地外寒光遙

漾洞庭秋倚欄幾處關情事漁唱滄浪一釣舟

桃花洞

蔡朔

松風兩袖暖香微下馬尋幽款洞扉流水有聲穿石竇落花無數點苔衣巖頭樹掛元猿嘯澗底人驚白鹿歸怪得仙家閒歲月暫時遊覽也忘機

石舟

謝省

石槽嶺上雲悠悠巖畔分明一葉舟太乙真人蓮可翦五松山下鐵還浮風濤海路知難泛薜荔溪花得自由漫說壑舟藏夜半蛟龍無意鬼空愁

寶峯亭對石

胡有恆

巨石嵯峨入望尊是誰題作古雲根蒼藤尙帶寒煙色碧葉常留宿雨痕獨立已知真節在靜觀還覺壯心存分明會得忘言意漫把平生向爾論

宿流河驛遇寶慶謝太守

李東陽

仰止懷先達相逢卽舊知別離曾有贈舟楫本無期細雨春燈暗高歌暮角悲從君問前路江海得

吾師

溫泉寺

羅洪先

淡日天初曙晴煙逐馬來鳥啼山谷應雲出洞門開望闕心千里尋春酒一杯夕陽人影亂我亦看
山回

卸甲池

劉萬恩

昔時金鎖甲今作青燐飛廟門夜不閉以待桓侯歸

桃花洞

車以遵

怪石何年闢仙人洞府幽桃花無處覓惟有水空流

巫山新晴

熊昱

層巒疊障宿雲橫芳草飛花撲地輕荏苒晴光山外晚紫霞嵐彩自天成

龍潭

胡賓

碧水西連驛路斜石崖鐘磬見僧家紅塵坐惜春風曉山鳥猶啼未落花

過邵四章章四句

張邦奇

左瞻零陵右觀邵陽峨峨青峯兩封之疆
原隰蕭條落日載黃艸屋無鄰居民竄亡
咄嗟傷懷
睠彼賢良實勞撫字庶其樂康
湯湯河流頽瀾載狂焉得君子與之同航

遊雲巖寺

李萬一

夏日苦行役息駕憩茲山中多白雲悠悠意何閑
俯聆澗底泉潺潺鳴珮環仰觀林間鳥好音時
關關山僧獻新茗一啜怡心顏清梵度林來天花落翩翩坐久萬緣息恍若非人間
遂令乘白雲去
去超塵實惜哉無羽翰白雲不可攀日暮景更幽遊車未忍還

砥柱磯

顧璘

崑崙一卷石飛落碧江濤靜日浮佳氣中流立此身樓臺懸峭景桃李點芳春
闕盡狂瀾色何須問
水神

道經谿洞

許宗魯

野縣蟠溪洞連山擁塞門衣冠王化染耕鑿古風存百粵封疆接三春
瘴雨昏伏波表銅柱勳業並